

天鎮縣志卷之二

知縣張坊補輯

城池

新平
樺門

保平
平遠
鎮日各堡附

瓦窰

永嘉

鎮寧

易曰王公設險以守其國則城池尚矣然高深可恃而衆志成城繫於苞桑之固措於磐石之安在德不在險也志城池

人鎮北魏廣牧縣遼雲州天成縣金西京大同府天成縣元興和路天城縣也明洪武三十一年改爲天城衛因舊址修築周九里十三步高三丈五尺後洪熙改元復

以鎮衛附之兩衛壯麗屹然形勝之地歲久城圯萬
歷十三年重修增高一尺基厚四丈八尺頂厚二丈八
尺女牆高七尺濠深二丈堞口七百二十門四東曰文
安西曰武寧南曰迎恩北曰鎮遠城樓四上懸四額東
曰拱衛神京西曰護安雲朔南曰保障晉疆北曰肅清
沙漠東南角建文昌樓一座城外各建月城全城計窩
舖二十五間國朝順治三年併二衛爲一曰天鎮至
雍正三年復改爲縣

平堡古爲榆林縣地隸集寧郡轄後蒙古駐牧自明嘉

靖十五年都督周尚文會題修邊牆一道收入內地二十二年建築土堡隆慶四年包以磚週三里六分有奇連女牆高三丈五尺建東北二門東曰拱化北曰新遠東至直隸懷安縣西陽河界二十里南至永寧口大梁汛舖二十里西至馬市口邊牆三里北至邊牆三里去縣治六十里去大同府二百四十里

保平堡明嘉靖十五年建隆慶四年包以磚高三丈五尺週二里五分去縣治六十里

平遠堡明嘉靖二十二年建隆慶四年包以磚高三丈五尺

尺週一里七分去縣治七十里

瓦窰口堡明嘉靖十七年建隆慶六年包以磚高三丈五尺週一里去縣治三十里

永嘉堡明嘉靖三十七年建萬曆十九年包以磚高三丈六尺週三里四分去縣治四十五里

鎮寧堡明嘉靖四十四年建隆慶六年包以磚高三丈五尺週一里二分去縣治二十里

禪門堡明有磚城創建無稽今僅存遺址去縣治四十里
口堡明嘉靖二十五年建隆慶六年包以磚高三丈六

尺週一里三分去縣治二十五里